

談瀛錄卷三

清泉 王之春 爵棠著



東洋瑣記上

日本史述開闢原始 史稱天地未判之時有神在高天原曰天御中主尊次曰高皇產靈尊次曰神皇產靈尊三神爲造化之始神次曰可美葦牙彥舅尊次曰天常立尊二神亦稱獨化次有物如浮脂生於空中因此化生曰國常立尊次曰豐斟淳尊二神亦獨化之神次曰埜土煮尊次曰沙土煮尊次曰角楫

談瀛錄

卷三

一

尊次曰活櫛尊次曰大戶之道尊次曰大苦邊尊次曰面足尊次曰惶根尊次曰伊奘諾尊次曰伊奘册尊八神爲耦生之神自國常立尊至諾册二神七世是謂天神七代諾册二尊以天瓊矛下探滄溟鋒鏑凝結成磯馭盧島因名國柱下居成夫婦先以淡路洲爲胞旋生八大洲餘島皆潮沫所凝者此與泰西人創世記稱耶和華手造天地萬物七日而成同一誕妄之譚不足辯也史又曰諾册二尊見眷令相交始知婚媾是爲初皇生大日靈尊素盞烏尊及國土

諸神大日靈尊御高天原光華明彩號曰天照太神
素盞烏尊鬚髯八握勇悍害物太神避之入天石窟
幽居修己從諸神議謫居新羅後神悔過到出雲國
新川上得奇稻田姬爲妻十七傳至大己貴神一名
大國主神經營國土諭國人曰父母可敬妻子可愛
定醫藥禁厭之法天照太神以素盞烏尊子天穗耳
尊爲嗣天穗耳尊生天津彥彥火瓊瓊杵尊太神將
使統治中州敕天兒屋命諸神爲輔賜之八咫鏡曰
此豐葦原千五百秋之瑞穗國吾子孫永世可王之

談瀛錄

卷三

二

地也平之安之執中勿失汝視此鏡猶我寶祚之隆
當與天壤無窮瓊瓊杵尊遂到日向高千穗岑營宮
生彥火火出見尊亦居西州宮五百歲生彥波瀲武
鷗草葺不合尊生神日本磐余彥尊是爲神武天皇
又曰瓊瓊杵尊有山幸與兄火闌易海幸獲潮滿瓊
潮涸瓊二神女有孕告瓊瓊杵尊生子勿往視不聽
竊窺之有臥龍盤兒驚躍入海產室葺以鷗羽茅草
未及覆薨故號鷗鷁草葺不合尊尊生神武此等敘
述亦荒渺難稽按水戶藩源光國大日本史水戶藩

臣青山延光日本紀事本末及賴襄日本政紀諸編紀神武以前事爲神代史既事涉茫昧卽所稱神武天皇至崇神天皇中更九代迺無一事如循蜚疏乞之世其爲後來追擬卽名號亦有增飾無疑又若寬文中日本通鑑謂爲周吳太伯後古聖賢帝王苗裔散在夷狄者史氏多有源光國駿之至賴山陽日本政紀并徐芾亦屏而不書竊謂中土人浮海東渡流寓彼境日久蕃育亦事理所有山海經記羲和之國有女子名羲和浴日於甘淵歸藏啟筮曰空桑之蒼

談瀛錄

卷三

三

蒼八極之旣張乃有羲和是主日月職出入以爲晦明又曰瞻彼上天一晦一明有夫羲和之子出於暘谷古史記黃帝之臣羲和占曰虞書記羲仲宅嵎夷曰暘谷傳稱羲氏和氏世爲厯官暘谷取日出之羲爲羲仲測候之地與和仲昧谷取日入羲同今泰西厯法厥初亦傳來自東土則彼或和仲之遺而此爲羲仲之宅支庶析居荒野是未可知况古者青州越海後分營州三韓壤地相接故日本亦稱韓中倭後漢書言倭在韓東南海島自武帝滅朝鮮通漢者三

十餘國此時諒益通中國文字後自惡倭奴之名改號日本其取賜谷之義更無疑特中外屢經喪亂載籍多闕難於考信耳至所謂神代史或不免擲捨方士所附會是亦置之存而不論論而不議之列而已今姑錄其所記於此亦以知詖辭之所蔽而取其近而似有可徵之世紀以備攷

日本世紀 日本各史稱其君皆曰天皇準以名從主人之例既非自我尊之亦無庸自我削之但詞涉冗贅而編取簡要非為彼任筆削之事也今錄其所

談瀛錄

卷三

四

譔世次於後紀稱崇神名御間城入彥五十瓊始校於四道平定遠方督垂仁始活目入彥五十狹茅景課男女國內安豐行名大足彥忍代別身長成務名稚足彥國內足仲彥成務從子率兵與熊襲戰歿於香椎其後名氣長足姬居攝將諸軍征新羅結兩髻作男裝禱於天神渡海征新羅鼓聲應神名譽田別王仁初傳論語震天新羅主出降仁德名六鷦鴒登高見炊煙鷦鴒讓位三年遂自殺履仲名去來穗別反正名瑞允恭定姓氏安康載履仲始設史官反正齒別允恭名雄朝始名穴穗為眉雄畧名大泊瀨幼武殺市邊皇子奪吉輪王所弒雄畧備田狹妻人稱不道末年始稍改易清甯名白髮遣臣巡察顯宗名來目仁賢名大武風俗親錄囚徒

烈名小泊瀨稚鷓鷯好刑繼體名男大迹勸農桑舉

百安閑名向大兄宣化名槍隈高田修欽明名天國

濟怒新羅滅任那使內臣率舟敏達名譯語田嘗召

師抵百濟共伐新羅始興佛敎敏達使臣於百濟諮

復任那許蘇我馬子用明名橘豐日在位二年馬子

拜佛曰勿惑他人馬子乃使東廐戶世子性佞佛

建營諸寺日主惡之馬子遂殺駒以解廐戶世子黨馬子

漢駒弒之既不自安遂殺駒以解廐戶世子黨馬子

會莫之問遣兵屯築紫推古名豐飯炊屋媛為女皇

遣使新羅復立任那登極之始廐戶世子攝

政建四大寺興隆佛敎定冠位十二階憲法十七條

始遣小野妹子率學生高向元理等使隋命諸臣著

籍習樂遺命薄葬頗能憂恤百姓舒明名田邨敏達子

姓惜不能討馬子以正典型至德名蘇我入鹿嗣

斗升皇極名寶皇敏達曾孫女至德父蝦夷為大臣

斤兩皇極名寶皇敏達曾孫女至德父蝦夷為大臣

談瀛錄卷三

謀逆世子中大兄及中臣鎌子蘇我倉山田石自仁

川麻呂相謀誅之蝦夷悉焚圖書珍寶自殺

德至此凡二十一世三百三十二年其初國勢尚立

中失駕馭叛服無常及後佛敎流傳政綱遂益廢弛

暨中大兄有功讓位叔父輕皇子立年號曰孝德名

皇子性頗慈儉日晏忘食立中大兄為世子始置左
右大臣及內臣懸鐘設匱以求善言定禮法制冠服
悉循唐制齊明世子中大兄母輕皇子卒中大兄讓
世號修明齊明之重阡頗著武功惜過窮土木率兵
伐蝦夷歿天智名中大兄齊明卒素服稱制六年明
於朝倉天智習治體務從質樸治法頗多可採復
在位十年宏文名大友中大兄子有文武材其叔
年卒大文名大友中大兄子有文武材其叔天武
即大海人皇子篡立通曉天文遁甲建占星特統皇
臺鑄銀錢定服色制律式造新字四十四卷

天智女名鷗野讚良嗣立後崇尚儒術始置女官
賜女內親王號傳位其孫珂瑠自稱太上天皇
武名珂瑠性頗仁惠始元明名珂閑太后天智之女
定名法孫幼讓位珂元正名冰高頗納諫言盡心民
三等以孫冰高內親王元正名冰高頗納諫言盡心民
瑠之姊冰高內親王元正名冰高頗納諫言盡心民
律令定婦女服制聖武名美麻斯珂瑠子陸奧蝦夷
三女主號稱共主聖武名美麻斯珂瑠子陸奧蝦夷
七層堂置國分寺自稱三寶奴僧元防盡惑其母出
入內道場醜行無忌以致藤原廣嗣憤恚謀反國人
始患孝謙名阿倍好佛無度屢幸東太寺純仁即大
痘瘡后猶專政寵藤原仲麻呂為紫薇內相賜姓名
時美押勝尋寵僧道鏡押勝謀叛伏誅道鏡為大臣
禪師純仁見廢純仁嘗令國司每年交替三年檢校
治績敕嚴備安祿山點諸道船三百九十四兵四萬
七千習騎射陣法孝高野即大炊王子道鏡為大政
謙再祝髮乃再臨朝高野大臣禪師令文武官拜賀

談瀛錄

卷三

尋授法王位在正一位上將議禪讓遣和氣清麻呂
等受神語清麻呂奏神語君臣分定道鏡何得覬覦
神器道鏡怒更其姓名曰別部自孝德至此傳十一
穢麻呂屢興力役刑法峻急

世一百二十五年紀綱寢弛日本號稱衰亂及光仁
繼起始稍清明光仁名白壁天智之孫初官納言繼

還和氣清麻呂定常平桓武名山部承之遷國山城
倉賜位賤賣私稻者宇多埋土偶人於東山
鎮護之詔禁私立寺捨田及葬儀踰等命諸平城名
學士學漢音置勸學田頒新令四十五條
殿好學勤政敕諸王五位以上子嗟峨名神野藤原
弟皆入太學分業教習禪位神野岐成奉安殿
走東國神野誅仲成不問其餘敕皇女有智子內親
王祈與安殿輯睦絕僧尼無行者時僧空海創道場
於高野山日金剛峯潭和日朕視太弟猶子也立安
寺佛教轉行倡盛

殿第二子為皇太子會太學諸生於紫宸殿討
論經史著為令既卒遺命茶毗散灰大原野
名正良頗好經義自講尚書釋奠先聖朝母后
頗盡禮敬惟貶小野筆廢太子恆貞甚為不合
名道康盡心民事勸種惠清和為大移冬至在朔發
民不輕肆赦畧達治體
大赦令百官表賀遂開虛飾之風藤原良田
攝政相臣由是專柄年未三十遂禪位貞明
明創葺學院嬉戲無度至令宮人緣木而梃殺之藤
原基經誘其遜位於正良之子名時康者遇事必先
關白基經宇多名定省在位四年事皆諮稟基經基
不久即卒
中國故寬平政理有上古之風馬增設弩師討新羅
賊圖殷周以來名臣於紫宸殿武功文治由是燦然
可醍醐名散仁勵精圖治哀矜百姓書漢唐君臣言
觀之世民頗樂業聽藤原時平之譖謫菅原道真
見三清善行上意見十二條不用世頗惜之
朱雀

談瀛錄

卷三

七

名寬明嘗曰政如張琴大絃急則小絃絕頗尚寬仁
時高麗滅新羅因卻其使平將門反救平貞盛等討
平之國內頗靖村上名成明性寬恕課試醫學生給
旋遜位其弟患瘋邁源繁圓融名守平受藤原兼通
冷泉名憲平患瘋邁源繁圓融名守平受藤原兼通
其弟花山名師貞初用藤原義懷藤原惟成頗肅紀
山寺為僧一條名懷仁頗三條原道長專政廷臣黃
世甚譏之弛赤染衛門著後一條名散成一條之子
緣紀綱日弛赤染衛門著後一條名散成一條之子
榮物華語蓋有慨於此後一條名散成一條之子
亂弟敦後朱雀名敦良受制藤原賴通宋商至後冷
良立親仁安倍賴時貞任後三條名尊仁親仁之弟
泉名親仁安倍賴時貞任後三條名尊仁親仁之弟
教通子作亂經六年始滅後三條痛抑藤原氏賴通
價法斗升法紀綱稍振島國翕然自光仁至此凡

三百年漸通中學權臣雖間專擅而文教以興固亦

未可厚非也白河名貞仁政由己出頗有後三主之風而愛憎任意不遵舊典禪位善

仁掘河名善仁貞仁仍聽政院中四十餘年嘗曰天

過信佛法好女色治以不振善仁頗勤政而遇事不

能親裁清原武衡作亂源義家討之因會食設勇怯

兩列閱三鳥羽名宗仁立延歷興福二寺崇極壯麗

年乃平聽政院中二十八年好修容儀多

內寵紀綱不振遂釀保元之亂

尋即使崇德即顯仁親王為鳥近衛崇德之弟名體

之禪位羽所迫不久禪位後白河名雅仁近衛之弟保元元年流崇德上皇藉

父國以大亂日本自崇德禪位後尚聽政院中擁立五主

談瀛錄

卷三

禍難相尋者三十餘年本實先撥何枝葉相扶之足

云二條名守貞短於孝道納按日本是時源平爭隙

藤原信賴與源義朝反叛平亂後刑殺甚慘日主號

六條天皇名順年甫三歲以叔父為太子甫六歲在

位三年未冠即稱太上皇彼童昏亂至此高倉名憲

盡仁孝喜愠不形於色仕丁安德名言仁三歲即位

析樹目為風流會尋以憂死東國討平氏源賴朝源義仲起兵清盛死平氏挾言

仁西奔源義經尾擊之初戰一谷再戰壇浦皆敗之

言仁赴後鳥羽名尊成言仁之弟即位年甫五歲未

海死莊園置地頭所在逮捕是時源賴朝奏請加賦稅

充兵糧兵馬之權頓歸源氏是爲征夷大將軍自是日主擁虛器如弁髦尊成頗好武技善弓馬憤主權凌替陰抱恢復之志始置西面配北面造刀劍親淬之以賜武人作歌寓意志業不就遂遭播遷蓋自貞仁以下大勢積重不可挽也抑亦其朝廷之士大半僉壬一人孤立於上無與匡扶故也然則正學之倡明所以扶翊君臣綱紀者顧可不亟亟修明也哉土御門名爲仁立甫四歲源賴朝死北條時政執權賴家實朝相踵爲將軍時政殺賴家源氏衰時政死子義時代執權爲仁性尚慈仁爲後鳥羽所迫讓位其弟頗無怨色居閑惟詠歌自娛而已順德

談瀛錄

卷三

九

名守成爲仁弟和田義盛仲恭名懷成四歲受禪承久三年尊成討北條氏不利北條氏流尊成爲仁守成三上皇而懷成亦見廢時東師十九萬人父行留子子行留父義時上言曰聞陛下喜戰謹差長男泰時次男朝時率十九萬人赴戰以供天覽猶不厭意臣且更率二十萬人自將繼之其無君之狀如此而北條遂自此七世執權自白河至此凡一百五十五年如掘河高倉土御門頗稱季世良主惜政柄已移遂不克有爲耳後掘河名茂仁憲仁孫寬仁好學北條泰時頒式目五十條頗順人情僧親鸞倡一向宗僧道元倡曹洞宗佛教寢熾四條名秀仁幼冲嬉戲無復可言後

嵯峨名邦仁為仁子温恭愛物泰時卒孫經時執權

子相踵踐阼聽政院中殆三十年欲使龜山承統立

後宇多居東宮北條貞時建議立伏見為後宇多太

子遂定後深草龜山後深草名久仁四歲即位北條

二統迭承朝威益絀後深草氏奏請立五攝家名為

尊上實分朝權尋禪位其弟恆仁實非出己意惟性

頗孝友每侍後嵯峨晏遊承意不違經時卒時賴為

執政北條氏龜山名恆仁天姿英發禪位後聽政院

威名日盛龜山中十餘年時賴卒時宗為執權

後宇多名世仁敏好學不時北條時宗卒貞時執

權殺外祖父泰盛北條氏始衰繼統者曰伏見名熙

仁後伏見名允仁子後二條北條氏所立伏見時有賊

為賴入宮自殺源義世起兵討北條貞時不克後伏

見時日本五上皇並立可謂五洲稀有之事至後二

談瀛錄 卷三 十

條時貞時罷師時花園名富仁熙仁之子但好禪理

執權無復能為花園為僧慧元營妙心寺師時卒

基時代之卒高時代之北條氏寢自後掘河至此一

衰至後醍醐時舉族遂伏刑誅

百一十二年兵馬之權常在鎌倉自時政至高時九世

凡一百五十四年後醍醐名尊治資性英邁志圖恢

日與儒臣討論漢學有護良親王藤原藤房諸臣輔

翼避北條高時難奔笠置高時別立光嚴為日主以

抗之尊治用南正成為將笠置陷為賊所迫奔隱岐

得兒島高德名和長年還奔舟上山尋足利高氏歸

順新田義貞攻鎌倉滅北條氏始復位惜寵高氏賜

之偏諱議賞軍功遷延不決多私宮闈倡伎造楮幣

好興作不聽藤房之諫島國囂然復思武人之治聽

尊氏之讒殺護良親王尊氏凶行無忌誣陷新田義

貞而鹽谷高貞赤松則村等南正成名和長年皆戰

沒尊氏長驅入犯立尊仁親王尊治南奔尊良親王

自殺義貞亦戰沒尊氏為大將軍尊後村上名義良

治僅保赤野遺命恢復按劍而卒賴宗良

親王源親房楠正行新田義興諸人輔佐足利尊氏

及弟直義子義詮赤松則祐等叛服不常義良以恢

復為志親蹈艱危長慶名寬成新田義宗戰死楠正

控禦勁敵三十年王起兵謀復筑紫不利北軍援正義來戰於湯淺族

死者百有餘人北軍之勢遂自此益盛日主權日替

後龜山名熙成菊池武朝與大義宏戰其族百餘

請和以父子之禮禪位自後醍醐南奔至此凡五十

七年化朝光嚴為熙仁之子中間傳位光明崇光後

光嚴後圓融後小松凡六主日本國內始歸一統後

小松名幹仁足利義滿罷子義持為將軍義滿執政

談瀛錄卷三遣使朝貢前明書辭甚恭順成稱光名躬仁鎌倉管

祖封之為日本國王奉表稱謝領足利持氏為

上杉氏憲所逐花園名彥仁義教為將軍遣使朝貢

上杉氏始強花園前明內官雷春等報之賜錢五

十萬緡宗貞盛與朝鮮約互市每歲船五十艘額外

遣船謂之特送交易不絕足利持氏結城市朝作亂

誅死赤松滿祐殺義教亦伏誅後土御門名成仁

勝為將軍又死仍稱臣於前明戰不休義政罷義熙

亂起細川勝元與山名持豐爭戰不銀閣寺集古器名

為將軍仍遣使朝貢於明義政起繼死義植義澄繼

畫設茗宴島國靡然義政熙相繼死周防上杉定政殺

為將軍義植伐昌山氏不克出走其執事太田資長北

條長氏取小田原城是時日本衰弱已極義熙頗好

學在軍中講春秋左傳前關白藤原兼良略通典故

僧一休肖栢解吟詩而已成仁之卒黑戶資料不給

遷延至四十餘日始葬前明若有偉人剷而削之俾

郡縣內屬可也萌孽不札遂尋斧柯惜哉後栢原勝名

仁國內大亂長尾為景弒其主上杉房義領赴後香

西元近弒其主細川政元並伏誅大內義興助義植

大舉入國義澄義植尋病死義晴為將軍後奈良名

仁用度不給大內義隆獻金助之稍足自立義輝為

將軍有名無實武田信元上杉謙信各據一方相爭

戰齋藤利政逐其主土岐賴賴陶晴賢弒其主大內

義隆津久見美作弒其主大友鑑三好之康弒其主

細川持隆羣雄割據州郡者不可勝紀葡萄牙正親

船至多藝島遂傳天主教日本人始知用鳥銃正親

町名方仁毛利元就獻資助大禮尋討陶氏降尼子

踵為將軍織田信長興於美濃自後小松至栢原一

義昭為其所幽足利氏遂亡

談瀛錄

卷三

百三十四年日本寢衰其臣則自尊氏至義昭十三

世二百三十五年除朝貢前明藉舒內亂餘無一足

觀者信長平定近郊代將軍出令蠲地子錢弛徭役

置所司代徒治安土山定關東法制十五條規模頗

閔惜寵明智光秀竟為其所弒光秀殘忍委母於敵

豐臣秀吉起自奴隸精於行陣誅光秀奏請為關白

日本貴官若置五奉行與德川家康和遂乃威振島

國矣後陽成名周仁秀吉與島津義久降是時朝鮮

王李昞涵於酒秀吉欲入寇中國以朝鮮導元兵來

伐爲名八道交侵朝鮮內潰王奔平壤復奔義州秀吉遂入王京剽府庫王復奔愛州萬曆二十年遣使告急朝議救之前軍失利兵部尙書石星議遣人探之嘉興無賴子沈惟敬應募往尋以李如松爲東征提督襲平壤大捷斬級千二百餘皆焚溺死行長遁還龍山官軍乘勝輕進敗於碧蹠館已而封貢之議起石星實主之爲其所紿乃再議東征以邢玠總督薊遼楊鎬駐天津日本會請正攻南原守將楊元棄城遁官軍退守王京麻貴攻尉山垂克而遠收軍官

談瀛錄

卷三

軍尋大潰死者萬餘時劉綎以川兵至約行長爲好會行長以五十騎來縋伏兵欲擒之行長遁去無何秀吉死諸酋引兵還劉綎等邀擊之頗有斬獲諸酋悉遁去以捷聞論功有差惟敬以通倭棄市德川家

康遂與朝鮮議和云後水尾

名政仁好種花信佛法家康定文臣法五章國

式十七章武員式十三章定江戶及縣邑制度亡豐臣氏停豐國廟號尋家光相繼爲將軍國內無事阿媽港酋至長崎互市英吉利人至平戶交易西班牙安南並來互市藤原肅始倡宋儒程朱之學門人林信盛仕幕府爲大明正名興子家光始置大小老職學頭儒學始盛
七道後光明名紹仁性畏雷救賜宮號於日光廟每
巡察歲納幣以爲恆例家光死家綱爲將軍

紹仁憤主威之替板倉重宗諫以屠腹謝將軍之說
紹仁欲見其狀家網聞之頗懼又欲建孔子廟復太
學寮不果後西天名良仁踐阼後災異頻仍自謂失
患痘暴卒德所致乃避位於凝花洞讀書寫
字優遊卒歲明人朱之瑜避地之日本德川靈元名
光國聘為賓師江戶城火死者十萬八千人靈元識
仁家網定制各官不過馬三騎槍七條庶民不得佩
刀著絹鑿新溝於緝芝命游士夜作終夜執役者給
三日傭錢緞夷會釋仙與松自明正至靈元四主皆
前泰廣交戰逾年始平之

兄弟相及日本之儒學漸著東山名朝仁災變屢臻
為菲德所致遂讓位綱吉任將軍嘗下令傷狗者死
殺狗者梟首禁優僮舞女出入內苑營孔子廟於神
田赤穗遣臣大石良雄等四十七人殺吉良義中御
英復亡主警幕府用儒士物茂卿議賜良雄死

門名慶仁家宣為將軍臨死赦羣臣獲罪屏居家繼
嗣為將軍從新井君美議蕃船近海岸者斬其人

談瀛錄 卷三 古

火其船日人近蕃船者逐捕之家繼死吉宗為櫻町
將軍西南大饑餓死者十六萬九千五百餘人櫻町

名昭仁求蕃諸於薩摩種之諸島新井君美始開荷
蘭學敦書繼之又求甘蔗於中國種之錫產甚饒沃

桃園名遐仁宗吉死家重任將軍吉宗作律九十章
尾處竹刑鋸刑餘十二人處斬丹波人竹內式部出

入諸會家講論武技家重逐之禁錮大納言藤原公
績等十七人家重後櫻町名智子昭仁之女垂簾後

死家治任將軍後櫻町臨朝俄羅人始至阿波後
桃園名英子遐仁之子江戶大火西南大風六年孝

格名兼仁朝仁之孫頗聰明及讓位不肯薙髮改服
色日我日本人何做西國裝束為家治死家齊任

將軍緞夷亂家齊令置豫備倉每秩萬石積粟五十
石減船商額始置醫館令學問所設考試科俄人送

伊勢漂民抵鰓夷約互市尋遣其臣勒薩諾德送仙
臺漂民遂用兵擇捉柯太諸處英吉利船泊長崎掠

掠街市奉行松平康英欲出仁孝名惠仁始復諡法
兵擊之失機不果自屠而死仁孝西海大風破民舍
五萬餘死萬餘人英吉利抄掠寶島家齊始布攘夷之
令用德川齊昭言復松前孝明名統仁紀元宏化在
奉行惠仁在位三十四年位五年米利堅人北
德祿來約互市改元嘉永二年英吉利人伯爾理帥兵
五年俄羅斯船至下田六年美利堅人伯爾理帥兵
艦抵浦賀脅請互市家慶始築礮臺於高輪召德川
齊昭參大議家慶死家定任將軍許各酋作大艦及
齊火器入江戶俄水師提督布田定至長崎議正
夷疆界安政元年伯爾理復至申前議德川齊昭建
白美利堅人可伐十議不聽許泊下田箱館長崎三
港囚處士久間修理吉田寅二等俄人攻北鰈夷入
攝海二年江戶地大震死傷十餘萬人三年設蕃書
調所置外國事務局江戶大風死傷十餘萬人五年
家定上美國書乞允不報老中掘田正牧與美人假
定條約德川慶恕慶篤慶喜慶永建言廢條約專倡

談瀛錄

卷三

攘夷之論家定死家茂任將軍井引直弼為大老擅
權譴太閣鷹司政通內大臣三條實萬並削髮執橋
本左內賴三樹等五十七人檻致江戶斬之萬延元
年家茂遣使美國通好水戶人佐野光明黑澤忠三
齊藤厚德有邨兼清蓮田廉等十七人刺井伊直弼
於櫻田文久元年俄人泊對馬島要約互市處士襲
英公使館殺英人三名二年何本式越智通宏等要
安藤信正於坂下傷之家茂奉赦起慶喜為後見慶
永為總裁職緩諸郡會同之期令妻孥就國復下令
攘夷徵兵八十餘郡同時入保家茂造軍艦募民編
步騎礮三兵三年處士抗議促攘夷兵敗統仁奔男
山將賜節刀於家茂家茂稱疾不起乃授慶喜慶喜
窮蹙亦稱疾下祠處士怒議規征請為先鋒家茂奏
以五月初十日為攘夷期初十日長人礮擊美艦七
月薩人與英人戰敗績毛利氏堺町衛兵中納言三
條實美以下七卿脫走長門令削其官爵九月松本
謙三郎藤本鐵石等推中山忠光為帥舉兵太和幕
府令諸郡討平之忠光走長門十月平野國臣楠木

八郎等推澤宣禧爲帥據但馬幕府討平之宣禧脫走元治元年慶喜罷後見水戶藩諸臣分黨七月長軍入東京敗走家茂令征長幽有棲川熾仁親王以下七十餘人二年六月東軍厭長防八月海陸並進戰不克退兵是月家茂死於大阪城十二月慶喜爲將軍是月統仁卒

維新政紀 今日日本主明治元年正月慶喜大舉侵東京拜仁和寺嘉彰親王征討大將軍賜錦旗討之賊軍潰走令削慶喜以下官爵尋拜有棲川熾仁親王征東大總督授錦旗節刀二月置總裁神祇內國外國軍防會計刑法制度八月以二條城爲大政官代總裁庶政既知夷不可攘日主乃親臨會諸臣誓

談瀛錄

卷三

七

曰萬機決於公論曰上下一心經綸曰文武一途使庶民各遂其志曰一洗舊習悉從公道曰求智識於境內誓畢策問開緞夷議尋梓行大政官日誌大總督自東海道先鋒橋本實梁副總督柳原前光入江戶收其城宥慶喜死一等屏居水戶閏四月廢三職八月置議政行政神祇會計軍務外國刑法七官設官九等二年正月敕諭百官大勵廉節毋營私利罷警蹕喝道儀二月置集議院徵諸藩士爲議員撤諸道關廢磔焙二刑許發兌新聞紙三月置待詔院民

部省日主至東京遂駐馬五月設電綫立府藩縣一
致之制以舊藩主充知藩事廢公卿諸侯之稱一爲
華族其臣隸爲士族七月置神祇官太政官及民部
大藏兵部刑法官內外務六省分敕奏判三等廢東
京以外諸府並爲縣改蝦夷爲北海道分十一國十
二月廢中下大夫上士等官悉爲士族廢祿制給廩
米三年正月定諸旗章九月許齊民稱姓氏十月置
工部省十二月收諸國寺社領地定親王賜姓制定
海軍服制頒新律綱領四年正月定官吏窩頓倡律

談瀛錄

卷三

十七

二月徵薩長土三國兵爲親兵使華族悉隸東京以
機器制金銀各幣三月定武官禮式用軍服四月許
庶民乘馬遣外務卿伊達宗城來中國定通商條約
五月遣參議副島種臣於波西葉圖議柯太疆界七
月廢藩爲縣廢諸官省改太政官制八月定官制等
級分官等爲十五置太政大臣左右大臣參議三職
列諸省長官上廢穢多非人之稱令國內民散髮脫
刀隨意十月令右大臣岩倉具視爲大使參議木戶
孝允大久保利通工部大輔伊藤博文等爲副使聘

問歐美各國十一月頒縣治條例及事務章程五年
正月頒出板條例三月廢親兵置近衛兵頒敕奏官
罪犯官條例四月置教導職頒教憲三條許僧徒食
肉娶妻五月日主西巡六月設郵便局七月定學制
分學區八月置裁判所創銀行九月作鐵路自東京
至橫濱十月禁買賣人口解放倡伎十一月改厯法
十二月三日爲明治六年一月一日以神武卽位之
年爲紀元因置紀元節自神武元年至明治六年共
二千五百三十三年尋頒徵兵令六年一月改置鎮

臺營所廣置公園廢五節以紀元節天長節爲祝日
二月改父祖被毆律禁復讐三月敕許與外人婚日
主斷髮太妃王妃落黛六月頒日主照相於府縣定
證印稅法發行印紙七月定耕地稅徵地價頒市坑
法九月大使岩倉具視等還十月參議西鄉隆盛副
島種臣等罷十二月稅華士族祿許士族以下奉還
祿賞七年一月大藏卿大隈重信上地租計米千百
五十八萬八千六百石金百三十萬零九百圓海關
其他諸稅半之三月設女子師範學校六月設北海

道屯田憲兵制七月賜百官避暑暇廢證券印紙規則頒印稅規則十一月許士族還納百石以上家祿賞典賞八年二月定奴婢車馬及酒麴稅四月廢左右院置元老院大審院六月始開地方官議會頒護謄律新聞條例八月改定出板條例九月朝鮮江華島民礮擊日本兵艦十一月割柯太全島與俄羅斯柯太土人徙北海道者千餘人九年一月詔參議黑田清隆議官井上馨使朝鮮定修好條規四月定官吏懲戒例六月日主至奧羽定道路等級頒地方官

談瀛錄

卷三

十九

任期例九月改府縣裁判所置地方裁判所十月熊本山口賊起旋即撲滅十年一月減地租六分之一減諸侯省定額金日主還至京三月頒放釋條例鹿兒島賊起西鄉隆盛桐野利秋等爲之渠魁官軍與戰至八月始平死傷數萬人十一年五月日本民殺大久保利通八月日主至北陸諸國十一月還十二年七月我

大清遣使侍讀何如璋等駐其國自是遂交通聘問

焉

天文分野 日本國起緯綫三十度止四十三度起
偏東十三度止二十九度地形狹長形如蜻蜓其間
小島錯雜大島外包長約四千餘里廣百里至三四
百里不等截長牽方以英吉利里數計之英人以我
中國三里
三分爲一米 有十五萬六千六百零四方里全國瀕海分
四大島九道八十三國戶八百萬口三千三百萬餘
今按日本經緯各度雖如上所云然洲外諸島有遠
出其限者如小笠原之北已逾緯綫二十六度其東
經綫亦過三度至樺太千島則更在緯綫北五十四

談瀛錄

卷三

二十

度經綫東十一度之外近夷琉球強入版圖其地在
緯綫北五十四度經綫東十一度之外蓋日本立國
實大小島嶼之攸賴其間或遠或近不一其地祇就
其大者要者測之餘可不煩表誌蓋其度數之不勻
有如此云

時令 江都無冰嚴寒凝水面一半日卽解通國多
雨尤多大風如居木室風作則顛搖鼓動如泛一葉
之舟於汪洋巨浸中爲之心悸東海道地氣頗溫和
函嶺以西春冬多風其東陸路亦然東山道則霜雪

早降岩代而北冰雪凝結至春不消兩羽之間風力尤甚時有傾房拔木者北陸道亦多風雪冬日寒暑表下至冰點之五六度夏日未有過九十度者緣其地逾溫帶十數度故也山陰道冬來積雪常至五尺餘而南海道則終歲炎熱非山深處不能積雪夏日薰蒸人多喘息惟夜間必有涼風故觸暑者較少西海道與南海相似迤南諸國酷熱尤甚轉至北海道則又寒威凜冽東北極邊之處非盛夏時無衣單者入冬大雪封門必至明年三月雪消花放行人始可

談瀛錄

卷三

三

往來八道中祇畿內山陽二道氣候溫和餘則偏南偏北每不得其平云

麻法 日本自欽明十四年由百濟遣麻博士來始行夏時後襲用元嘉麻復用儀鳳麻復用大衍麻長慶宣明麻長慶宣明麻行之最久凡八百餘年至貞高元年始改用元授時麻雖設專官而所業不精僅賀氏傳其家學第從朝鮮琉球沿用我法而已西法既行以我法置閏每逢閏年頒官祿計國用不便復於明治六年改行西麻以三百六十五日爲一年三

五七八十十二皆三十一日二月止二十八日餘則三十日不置閏月而有閏日約計四年一閏閏則二月加一日蓋歲實三百六十五日其小餘爲二五六三六一二故四年必置閏也其紀日用七政以日月水火木金土爲序而繫之曰月曜火曜云亦用休沐日於日曜日給暇與西法禮拜日同當中法之房虛昴星四宿值日也

全國疆域立國至今疆域如舊神武至太和登山望曰美哉國乎其如蜻蜓之點水乎故日本又名蜻蜓

談瀛錄

卷三

三

蜺洲史言海上有三神山風引不得至山海經注又言蓬萊在海中上有仙人宮闕稗官家言稱圓嶠方壺多長生之草不死之藥宮室皆以金銀爲之均屬子虛之譚蓋緣燕齊方士知徐芾東來蹤跡遂借以肆其欺罔實則卽今日本地也全國四面瀕海所轄之地除琉球不計外統分四島一爲長崎延袤以至鹿兒島薩摩島一爲神戶旱道由火車以達其西京由西京以達其東京約程一千餘里一爲南部之阿波國與神戶對峙中隔內洋一爲箱館東南面太平

洋北海與俄界昆連島中多山山多火燄故常患地震統計面積得二萬二千九百二十方里舊分一綫七道明治之初攘滅鰻夷乃更爲八此外小島若小笠原隱歧對馬千島四者尙可郡縣其餘密若絲星小如拳石無關輕重可弗紀載傳言倭在東海其國百餘今閱彼史王居之外畿內一道僅分五國南海道六國北海道七國山陰山陽各八國西海道九國北海道十一國東海道最多亦祇十五國益以壹歧對馬二島國小笠原樺太二圻國總計尙止八十六

國近雖夷琉球爲充繩縣尙不得謂其爲圻國也若夫府縣郡之制則府以王居巖邑通都大城而立縣因政事便宜而劃郡以地理田畝利便而分大小統轄無定在也如東京府轄武藏五國而三國屬於鄰國大阪府轄攝津七國京都府轄山城八國而丹波三國乃跨兩道縣之分雖多一國爲一縣然亦有一國分二縣數縣者一縣合二三國者郡之境視縣爲小每國必有十數若二三郡者不多見也郡之屬有所謂村者每郡數亦不等以境地甚小隨意區劃無

容心焉故三府六十縣三十一郡之下至有村七萬一千二百一十六之多也

東京 德川氏舊府也宋孝宗十七年

日本安德日養和元年

本源賴朝據鎌倉爲大將軍舊幕北條足利襲其迹

雄鎮關東者數百年德川氏改城江戸

卽今東京

因平秀

吉之所策也其地形勝東南抱裏海西北連沃野墨

田川縈帶其東平原曠邈岡巒迴複王居在其中央

爲城三重甃以巨石中高而外下近仿西制門雖設

而不關城外各周以濠引玉川水灌注其中深濶通

談瀛錄

卷三

音

流架橋數處以通內外街衢寬敞溝澮縱橫景象與蘇滬彷彿惟籓盛稍不逮耳所轄之戶凡四十三萬五千七百餘

西京 神武起日向建都檀原卽畿內太和境後遷

徙不一多在太和

日本讀大倭太和音爲耶馬臺故魏志稱耶馬臺國以日本爲號自

孝德時始 至桓武移都平安城爲今西京立國千餘年矣

明治二年乃遷東京惟日主西巡偶一駐宿而已地

無垣郭雉堞以山爲城周環數十里賀茂川滌貫其

中有日主故宮其紫宸殿殿屏今猶存圖畫三代漢

唐名臣遺像

長崎 島形圓而凹方廣數百里朝鮮峙其西北隔海遙峙中隔對馬一島琉球在其南小島錯列其北曰豐前筑前其東曰日向豐後口門狹隘中有小島孤聳中央如羅星然由長崎以至鹿兒島與薩摩錯壤犄角海口較長崎稍寬以國都在其東故命名曰西海道昔聞自朝鮮來者皆言水勢下駛順逆懸絕固知地脈本自西而東故其都會所聚風氣所趨亦遂因之由吳淞至此計程二千里其地有中華會館

談瀛錄

卷三

三

祀天妃神中土商於此者已數百年有歷累代長子孫者然衣冠猶循華制近因其國與泰西結約商船絡繹華商居此者僅千餘人

神戶 舊攝津境更制後屬兵庫縣由長崎至此陸路近二千里水程不過三千餘里山東海迴風濤險

惡海中有淡路島

屬南海道境

橫互當前如扇戶牖東北

陔角曰江崎與明石相夾峙舟行必由和田岬入茅港經此故明石爲險要必爭之地然由外洋徑往橫濱則此處亦屬虛設島形袤長千有餘里陸路至大

阪七十里乘火車四刻卽達由大阪又八十里至其
舊都西京聞由西京以達東京今尙未有火車路須
行十餘日乃可至華商居此者約二千人

大阪 舊隸攝津境今改府屬畿內道土地腴沃淀
川南貫爲山海奧區溪橋橫午坊市殷闐戶口繁盛
於斯爲最爲旱道入京之咽喉賴以屏蔽西南故該
國昔年寇起必先爭此地亦形勢使然也城小而堅
石濠深濶有鎮兵據守豐臣秀吉之遺築也

橫濱 屬神奈川縣在江戶內海地形浩蕩無以制

談瀛錄

卷三

三

敵由旱道至東京計程八十餘里乘火車一點鐘卽
至是處爲日本通商大口貿易繁盛權關所入歲約
百萬華商寓此者亦二千餘人吳越諸賈多權子母
閩廣則米錫雜貨亦有中華會館由神戶至此計程
二千七百餘里

南部 島形如蛺蝶高知爲之腹而阿波伊豫似兩
翼翕張在神戶之南與周防備後備前等處對峙以
非通商之口舟行至此少有停泊者

箱館 爲通商之地在東京之東北方廣約千餘里

每歲魚鰕海鮮出口約值銀八九百萬兩逾海而北
有小長島與俄之西界毘連俄之垂涎久矣一旦有
事日人救援殊有鞭長莫及之勢故日人不遽與我
連兵者懼俄人之乘其後也

北海道 北海一道舊屬松前侯明治二年割分十
一國初令諸藩分任墾闢後專設開拓使治之山林
藪澤上腴之奧區其民不喜耕種日惟腰弓弭箭驅
狐狸捕鯨魚文身蓬首穴居血食而混沌未鑿易受
約束近始稍有讀書者

談瀛錄

卷三

七

險要 全國四島統以畿內及八道在西一大島曰
西海道在西南一大島突出海中曰南海道中央一
大島畿內居其中西北爲山陰道又西爲山陽道東
爲東海道北爲北陸道又東北爲東山道西京在畿
內東京在東海道之武藏所謂二京也六道相爲聯
屬無有間隔又東北一大島曰北海道爲鰕夷故地
畿內五國曰山城攝津河內和泉太和東海道十五
國曰伊賀伊勢志摩尾張三河遠江駿河伊豆甲斐
相模武藏上總下總常陸安房東山道十三國曰近

江美濃飛鱣信濃上野下野岩代磐城羽前羽後陸
前陸中陸奧北陸道七國曰若狹越前加賀越中越
後能登佐渡山陰道八國曰石見出雲伯耆因幡但
馬丹波丹後隱岐山陽道八國曰長門周防安藝備
後備中備前美作播磨南海道六國曰伊豫土佐阿
波讚岐淡路紀伊西海道十一國曰大隅薩摩日向
肥後豐後豐前筑後筑前肥前壹岐對馬北海道十
國曰渡島後志膽振石狩日高渡島十勝釧路根室
天鑿凡爲舊國八十有三西海北海二道外其六道

談瀛錄

卷三

三

地形狹長如巨鯨跋浪而橫飛山陽山陰爲首南海
爲領東海北陸爲身東山道則其尾也全部無險可
阨所恃惟海自輪船往來颺馳天險遂失互市旣開
巡港戰艦近窺庭戶惟神戶進口有明石礮臺與舞
子礮臺對峙兩處水道狹窄爲神戶大阪之咽喉頗
爲險要而明石礮臺因山掘成中通一竅聊以洩煙
藥數發而後煙燄迷目咫尺莫辨舞子礮臺用石砌
成礮門十五已就廢壞竝無礮位神戶雖有礮臺兩
座礮位過小地勢顯露雖能擊人而亦易受人之擊

橫濱至東京陸路僅八十餘里無險可阨水路則輪舟可徑達其品川距外城約三十餘里有礮臺五座而在水中央藥彈一切須由小舟運送殊易斷其接濟攻其必救古人之成算也將來如有事日本一由上海徑至長崎一由天津徑取橫濱一由高麗攻其北海而屯臺澎以重兵使之居中策應庶有濟乎戶口合日本之四島九道八十三州計之共煙戶冊八百萬餘丁口男女共三千三百萬有奇

禮制 朝會皆大禮服近改西制見客趨而前握手

談瀛錄

卷三

三九

通殷勤入朝進退惟三鞠躬而已無所謂拜跪儀也

有三大節曰新年曰天長十一月三日曰紀元二月十一日相傳爲

神武卽位紀元百官皆大禮服詣宮朝賀放祝礮一之日尤重之

百一聲人家皆懸日旗伸慶賀又學西法有大喪則半懸國旗以告哀他國亦如之以示弔葬日放礮如其官等級如一等官二十一礮二等十四礮會葬皆大禮服如吉禮無三年之喪丁艱亦不解任以喪重輕給暇日多寡喪家名刺以黑爲緣

樂制 日本自唐時遣使來中國習典章制度故唐

時樂章今猶有存者黃公度參使常見之云蘭陵王破陣舞者戴假面具上場有發揚蹈厲之概太平樂者四人對舞皆緋衣佩金魚袋俯仰揖讓灑灑乎雅音也高似孫唐樂曲譜明皇三十四曲立部八曲一太平安舞二太平樂三破陣樂高注日太平竝周隋遺音攷隋書蘭陵王入陣必戴假面具因爲蘭陵王破陣舞則破陣蓋齊制也日本有此二曲當是得之於唐又云樂作時伶人十數輩披衲襦衣跪坐席外旁列樂器先擊鼓鼓停舞者四人出笙簧管籥諸樂雜作一人吹笛抑揚抗墜極和緩之致舞止樂亦止此外歌樂甚多如安世樂王昭君想夫憐採桑泛龍

談瀛錄

卷三

三

舟玉樹後庭花秦王破陣樂慶雲樂甘州傾杯樂夜半樂長慶子萬歲樂春鶯囀北庭樂河水清五常樂裏頭樂武昌樂應天樂越天樂孔子琴操柳花苑喜春鶯赤白桃李花未央宮樂海青樂平蠻樂拾翠樂千秋樂蘇合香輪臺六朝樂劍器渾脫打毬樂還鄉樂拔頭蘇芳菲皆有之然傳其譜不傳其辭而以樂器出之祇用五調不用四十八調存其髣髴而已曲名亦多傳誤白苾誤白野張胡子誤朝小子景德誤鷄德烏曰誤烏向蘇幕遮誤莫者又有金塵澀河鳥

亦唐樂之遺音也 猿樂以男子服巾幘爲歌舞始
自北條氏盛行於室町氏及豐太閣親自學之其後
王公大人皆丹朱坊身自等優伶 日本琵琶最工
亦貴者親自執業有藤原朝臣貞敏學琵琶於唐人
劉二郎二郎妻以女贈以紫檀紫藤琵琶各一面歸
爲其國重器 三絃上下通行皆用象牙撥撥如斧
形唐人謂曹綱運撥如風卽其遺法 瑟箏雲和簫
笛管笙皆備琴則間有之物徂徠時尙有隋人作猗
蘭操舊譜與明代所傳絕異 三絃琴不用彈撥以
左指按之右指冠決捺而成音清穆殊有意致日本
樂器皆彷彿漢制惟此長明無名抄元元集所稱六絃
乃其所自製者

戲劇 俗喜觀優場屋之大可容千餘人每一齣止
張幕護之綽板亂敲場下施轉輪裝束於內輪轉則
徹幕復出上場矣亦演古事樂器止三絃笛子鈺鼓
優人有舞無歌別有伶人述其所演事如宋時之平
話聲哀而怨與優人侷色揣稱形容惟妙惟肖其名
曰芝居因舊舞於興福寺生芝之地故緣以爲名耳

賞勳 日本無五等之爵而有勳號曰勳一等勳二等時賜金又仿泰西寶星例頒給印章亦畫日有旭日重光章旭日單光章菊爲王章官舍行幕皆圖繪之

田賦 民無私田計明治七年租稅定額全國有米一千二百八十三萬七千餘石後易米以錢計八年收楮幣五千一百五十萬五千餘圓十年因亂減租計收楮幣三千五百五十三萬八千餘圓考日本初仿唐代班田之制取諸民者僅二十之一延喜天麻

談瀛錄

卷三

三

後豪強兼并制遂大壞鎌倉以來迭因軍興加賦後不復減及豐臣秀吉繼起亟正經界平租稅然古者每段三百六十步爲一畝後裁減爲三百步而收稅如故賦於是益重計取十四謂之四公六民德川氏因之世官益多用益餼大率皆取民之半甚者或六公四民七公三民民憊極矣明治初諸侯悉去圖籍奉田歸公亦用古法諸國公田皆隨鄉土估價賃租凡值百者收三分然值百之息歲不過十是十分而已取三雖經明治十年正月一日復減租爲二分五

然較之我

國家四十而取一則彼族之民猶覺困不堪命矣

雜稅 無物不稅彷彿惠卿手實之法國計歲入五

千餘萬金地租爲鉅關稅次之其他車船有稅牛馬

有稅煙酒有稅

明治十年酒稅煙草稅共收銀錢

券

紙雜器有稅

由紙幣局別造精紙日證券印紙凡民間買賣租賃借貸之事皆購此紙書之

不用者訟於官官不理

百方摻括纖悉不遺歲出之款官吏月

俸外養兵僱役開拓營繕宮省府縣各經費度支恒

苦匱乏

談瀛錄

卷三

三

國債 共借民間私債三千餘萬圓借英債二千餘

萬圓初議按年拍還聞見在僅能付還官利不能拍

還本銀云